

Shavkat Mirziyoyev urush va mehnat faxriylarini tabrikladidi



Toshkent botanika bog'ida Xotira va Qadrlash kuni hamda Ikkinci jahon urushida qozonilgan g'alabanining 73 yilligiga bag'ishlangan bayram tadbiri bo'lib o'tdi.

Unda O'zbekiston Respublikasi Prezidenti Shavkat Mirziyoyev ishtirok etdi.

Bu yerda Ikkinci jahon urushidagi sharoit aks ettirilgan. Okop va blindajlar qurilgan, o'sha davr quroq-aslahalari va harbiy texnikalari namoyish etilgan.

Davlatimiz rahbari ushbu ko'rgazmani ko'zdan kechirdi.

Dunyo tarixidagi eng dahshatli, eng qonli qirg'in bo'lgan Ikkinci jahon urushi insoniyatga mislsiz yo'qotishlar, talafot va musibatlar olib kelgan. Ushbu beshafqat jangda O'zbekistondagi mehnatga layoqatli aholining deyarli yarmi qatnashgan, ularning 500 mingdan ko'prog'i jang maydonlarida halok bo'lgan. Qanchadan-qancha insonlar mayib-majruh bo'lib qaytgan, yana qanchasi bedarak ketgan.

Xalqimiz front hududlaridan ko'chirilgan bir millionga yaqin kishini qabul qilgan. Jumladan, ikki yuz mingdan ziyod bolalarni "Sen yetim emassan" deb oilasi bag'riga olgan, bir burda nonini ular bilan baham ko'rib, o'z bolalari qatori voyaga yetkazgan.

Xalqimizning bunday bag'rikengligi va olijanobligini, fashizm ustidan g'alaba qozonishga qo'shgan ulkan hissasini butun dunyo e'tirof etadi. Ikkinci jahon urushi tugagan 9 may kuni mamlakatimizda umumxalq bayrami sifatida nishonlanadi.

Bayram tadbirida Qoraqalpog'iston Respublikasi va viloyatlardan kelgan urush va mehnat faxriylari ishtirok etdi.



O'zbekiston Respublikasi Prezidentining
MATBUOT XIZMATI

Prezident Shavkat Mirziyoyev 9 may – Xotira va Qadrlash kuni bilan, Ikkinchi jahon urushida qozonilgan g'alabaning 73 yilligi bilan barcha faxriylarni, butun xalqimizni tabrikladi.

O'zbekiston Qurolli Kuchlari Markaziy ashula va raqs ansamblı, estrada xonandalari ijrosida kuy-ko'shiqlar yangradi. Urush yillarining sitamli xotiralari, bugungi tinch-osoyishta hayat qadri aks ettirilgan badiiy chiqishlar qatnashchilarda unutilmas taassurot qoldirdi.

president.uz